

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



01
2757
AB-MG

Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

Broj:05-04-21648-26/21 MG
Sarajevo, 17.06.2021. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Smiljane Viteškić

Zastupnica Smiljana Viteškić, na nastavku 36. Radne sjednice Skupštine Kantona Sarajevo, održanom dana 11.05.2021. godine, u okviru tačke dnevnog reda „Poslanička/zastupnička pitanja, inicijative i odgovori”, a u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo” br. 41/12b – Drugi prečišćeni tekst, 15/13, 47/13, 47/15, 48/16, 9/20 i 14/20), postavila je zastupničko pitanje koje se odnosi na zbrinjavanje medicinskog otpada u KS:

- „ - Da li Kanton ima dovoljno uređaja za sterilizaciju i dezinfekciju medicinskog otpada u uslovima pandemije Covid 19 i enormno povećanih količina otpada
- Da li ima dovoljno drobilica za zbrinjavanje otpada – spalionicu nema
- Da li će gradska deponija Smiljevići (ili je već) biti zatrpana med. otpadom – rukavice, maske, odijela, šprice, igle...

Obrazloženje:

Od kada je proglašena pandemija Covid 19, pretpostavlja se da ima čak dva puta više medicinskog otpada nego ranije. Ovaj otpad jako je opasan za ljudsko zdravlje i okoliš, te ima direktan, štetan uticaj na prirodu kao i društvo u cjelini. Zbrinjavanje medicinskog otpada veoma je složen posao i mora biti multisektorijalan. Predlažem da Kantona Sarajevo donese Strategiju o upravljanju otpadom u KS, sa posebnim akcentom na upravljanje medicinskim otpadom.”



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



ODGOVOR:

Postupanje sa medicinskim otpadom propisano je Pravilnikom o upravljanju medicinskim otpadom („Službene novine Federacije BiH“ broj 77/08). Ovim Pravilnikom utemeljuje se sistem planiranja tretmana medicinskog otpada i upravljanja medicinskim otpadom u cilju smanjenja rizika po zdravstvene radnike, radnike na upravljanju otpadom, širu javnost i okoliš. Pravilnikom je definisana obaveza zdravstvenih ustanova da otpad predaju ovlaštenom operatoru.

Otpad nastao u zdravstvenim ustanovama kao posljedica COVID-19 infekcije se tretira kao infektivni otpad. Infektivni otpad je otpad pod šifrom 18 01 03* - otpad čije je sakupljanje i odlaganje podvrgnuto specijalnim zahtjevima radi prevencije infekcije, kako je to definisano Pravilnikom o kategorijama otpada sa listama („Službene novine Federacije BiH“ broj 9/05). U uslovima pandemije zabilježeno je značajno povećanje infektivnog otpada iz COVID odjeljenja, a samim tim i ukupne količine infektivnog otpada nastalog u zdravstvenim ustanovama u Kantonu Sarajevo.

Infektivni otpad se zbrinjava putem operatora koji imaju dozvolu za upravljanje ovom vrstom otpada, izdatu u skladu sa Zakonom o upravljanju otpadom („Službene novine Federacije BiH“, br. 33/03, 72/09 i 92/17). Dozvole na osnovu Zakona izdaje Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo. Ministarstvo je izdalo tri dozvole za upravljanje otpadom, za tretman infektivnog otpada: JU Klinički centar Univerziteta u Sarajevu; JU Opća bolnica „Prim. dr. Abdulah Nakaš“ i Aida Commerce d.o.o. Sarajevo. Na web strani Ministarstva <https://mpz.ks.gov.ba/> dostupne su informacije o izdatim dozvolama za upravljanje otpadom.

Kliničkom centru Univerziteta u Sarajevu izdata je dozvola za upravljanje otpadom Rješenjem broj 05-23-3544/15 od 25.03.2016.godine, za tretman otpada pod šifrom 18 01 03*. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo donijelo je 04.06.2021.godine Rješenje broj 05-19-2539/21 o produženju dozvole za upravljanje otpadom Kliničkom centru Univerziteta u Sarajevu. Tretman infektivnog otpada u postrojenju u Kliničkom centru obavlja se metodom sterilizacije i dezinfekcije na principu mikrovalova i zasićene vodene pare, te drobljenjem i usitnjavanjem otpada, koji se odvija putem opreme koju čine tri aparata za dezinfekciju i sterilizaciju «SINTION» i jedna drobilica za sitnjenje otpada. Operator je obavezan veoma infektivni otpad tretirati procesom sterilizacije, a ostali infektivni i potencijalno infektivni otpad procesom dezinfekcije. Nakon dezinfekcije/sterilizacije, otpad se prenosi na drobilicu, te nakon usitnjavanja u kontejner smješten na vanjskom prostoru, koji odvozi KJKP „Rad“ Sarajevo na deponiju Smiljevići. U navedenom postrojenju se zbrinjava samo otpad nastao u Kliničkom centru. U 2020.godini i 2021.godini je zabilježeno povećanje količina otpada, koje se mijenja na mjesečnom nivou u zavisnosti od trenutne epidemiološke situacije.

Rješenjem broj 05-23-1477/18 od 29.06.2018.godine izdata je dozvola za upravljanje otpadom operatoru „Aida Commerce“ d.o.o. Sarajevo. Dozvola je izdata za prikupljanje i tretman otpadnih metala, ambalažnog otpada, zauljenih voda i otpadnih ulja, te drugih vrsta opasnog i neopasnog otpada. U skladu sa dozvolom „Aida Commerce“ je ovlaštena da tretira, između ostalog, i otpad pod šifrom 18 01 03*. Infektivni medicinski otpad operator sakuplja na lokacijama zdravstvenih ustanova, transportuje vlastitim prevoznim sredstvima, te dovozi u objekat za tretman i obradu medicinskog otpada, gdje se tretira metodom usitnjavanja i sterilizacije, na sterilizatoru Newster NW 10. Otpad se ubacuje u sterilizator, vrši se usitnjavanje i sterilizacija, otpad se prazni u pakirni uređaj, a zatim u kontejner koji odvozi KJKP „Rad“ Sarajevo na deponiju Smiljevići. Sa početkom pandemije, količine infektivnog otpada su stalno bilježile porast. Tako je u 2020.godini godišnja količina značajno povećana, a prema podacima dobijenim od operatora, i u 2021.godini se nastavlja trend povećanja količina infektivnog otpada.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1



Rješenjem broj: 05-23-9488/18 dana 19.10.2018.godine izdata je dozvola za upravljanje otpadom Općoj bolnici "Prim.dr.Abdulah Nakaš". Dozvola je izdata za šifru 18 01 03* - otpad čije je sakupljanje i odlaganje podvrgnuto specijalnim zahtjevima radi prevencije infekcije. Tretman infektivnog otpada obavlja se metodom sterilizacije i dezinfekcije na principu mikrovalova i zasićene vodene pare, te drobljenjem i usitnjavanjem otpada, koji se odvija putem opreme koju čine dva aparata za dezinfekciju i sterilizaciju «SINTION» i jedna drobilica za sitnjenje otpada. Operator je obavezan veoma infektivni otpad tretirati procesom sterilizacije, a ostali infektivni i potencijalno infektivni otpad procesom dezinfekcije. Aparati „SINTION“ se koriste po potrebi za sterilizaciju ili dezinfekciju otpada. Otpad nakon tretmana nije više opasan, te se predaje KJKP "Rad", koji ga odlaže na deponiju Smiljevići. Uređaji u JU Opća bolnica „Prim.dr.Abdulah Nakaš“ na raspolaganju su i ostalim proizvođačima medicinskog otpada, dok jedan broj zdravstvenih ustanova koristi usluge operatora koji imaju svoja postrojenja u drugim kantonima. Infektivni otpad se u zdravstvenim ustanovama, koje imaju ugovor sa Općom bolnicom, odlaže u specijalne Sintion kese, koje zatim zdravstvene ustanove vlastitim prevoznim sredstvima transportuju u Opću bolnicu na tretman. Skladištenje infektivnog otpada (uključujući skladištenje kod proizvođača otpada) ne smije biti duže od 8 dana. U 2020.godini i 2021.godini je ukupna količina otpada ostala u projektovanim granicama, s tim što je značajno povećana količina iz COVID odjeljenja, a smanjene količine iz ostalih odjeljenja i zdravstvenih ustanova, koje nisu radile u uslovima pandemije ili su radile smanjenim kapacitetom.

Budući da je zabilježen značajan rast količina infektivnog medicinskog otpada usljed COVID – 19 pandemije, povećanje kapaciteta nabavkom opreme ili uvođenjem dodatnih smjena biće predmet procjene svakog operatora posebno, a na osnovu izraženih potreba i potražnje zdravstvenih ustanova koje proizvode infektivni otpad u svojoj djelatnosti.

Pored obezbjeđenja opreme, potrebno je raditi na planskom aspektu, i to ne samo za infektivni otpad, nego i za sve vrste medicinskog otpada. Adekvatno zbrinjavanje medicinskog otpada i smanjenje količina proizvedenog medicinskog otpada su neki od ciljeva Federalne strategije zaštite okoliša, koja je u fazi izrade. U okviru poglavlja „Otpad“ predviđene su mjere za upravljanje medicinskim otpadom, sa posebnim akcentom na COVID otpad. Izrada Kantonalnog plana upravljanja otpadom je planirana nakon usvajanja Federalne strategije.



Dostaviti:

- Predsjedavajući Skupštine Kantona Sarajevo
- Služba za skupštinske poslove
- Sekretar Vlade Kantona Sarajevo
- Evidencija
- a/a



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1

